

Molimo o Ile a Araba Thapelo ea Hae

Litaelo: Etsetsa mosebetsi ona sebakeng se khutsitseng. Ha u ntse u bala mangolo, inke hore u shebeletse liketsahalo tseo. Bona liketsahalo tseo ka leihlo la kelello. Utloa ha batho ba bua. Ikutloe ka tsela eo batho bao ho buuoang ka bona ba ikutloang ka eona. Phelisa ketsahalo eo.

Batšoantšisi ba sehlooho: Nehemia, Morena Artaxerxese, Sanbalate le Tobia

Kakaretso: Nehemia o rapela Molimo, o kōpa morena hore a mo lumelle ho ea Jerusalema, 'me o hlōla litšitiso.

1 NAHANA KA KETSAHALO EO.—BALA NEHEMIA 2:1-20.

U nahana hore batho baa ba hlahang tlahong ee ba ne ba shebahala joang?

Nehemia: _____

Morena Artaxerxese: _____

Sanbalate le Tobia: _____

U nahana hore ke hobane'ng ha thapelo ea Nehemia e ne e le khutšoanyane? _____

Hlalosa hore na u nahana hore Jerusalema e ne e le joang ha Nehemia a fihla teng.
(*Bala temana ea 13 le 14 hape.*)

U nahana hore Nehemia o ne a bua ka lentsoe le joang temaneng ea 17?

2 AK'U JE MASAPO A HLOOHO.

U nahana hore Nehemia o ile a rapella eng? (Bala Nehemia 1:4-11.)

E ka 'na eaba ke hobane'ng ha Nehemia a ile a etsa qeto ea hore Artaxerxese o tla mo lumella ho khutlela Jerusalema? (Bala Esdrase 7:1-6; Liproverbia 21:1.)

Bajuda ba ile ba 'matlafatsa matsoho a bona bakeng sa mosebetsi o molemo' joang?
(Bala Nehemia 2:18; Esaia 35:3.)

Ke'ng e u khahlang ka tsela eo Nehemia a ileng a araba Sanbalate le Tobia ka eona?
(Bala Nehemia 2:20.)

3

SEBELISA SEO U ITHUTILENG SONA.

Ngola seo u ithutileng sona ka . . .

Matla a thapelo. _____

Kamoo Jehova Molimo a thusang barapeli ba hae kateng ha ba bua ba sa tšabe letho. _____

4

IPOTSE:

Haeba ke utloile bohloko kapa ke koatile, nka etsisa Nehemia joang?

Ha batho ba bang ba ntšoma ka seo ke se lumelang, ke tla bontša joang hore ke tšepa Jehova?

Tlahong ee, ke thuto efe ea bohlokoa ka ho fetisisa ho 'na, hona hobane'ng?

Tlhahiso: U sebelisa mekhoea ea ho etsa lipatlisiso eo u nang le eona, fumana metse ea boholo-holo ea Shushane le Jerusalema 'mapeng. (Nehemia 1:1) Lekanyetsa hore na metse ena e 'meli e ne e arohane ka sebaka se sekae, ebe joale u ua nahana hore na ho ne ho tla boima hakae ho uena—joaloka Nehemia—hore u tsamaee sebaka se sekaalo u tloha heno, u sa sebelise mekhoea ea kajeno ea lipalangoang.

